



**Bible Châng Thlan:** *Genesis 17:7.*

**Thlûr Bing Tûrte:** *Genesis 12:1–3; 15:6, 18; Exodus 2:24; Deuteronomi 4; 5; Rome 4:1–5.*

#### THEN 1-NA: ZIRLÂI TLÂNGPUI THLÎRNA

Zirlâi thuhmahruai lama sawi tawh ang khân, Deuteronomi bu pian hmang hian hmâsâng thuthlung inremna ziarângte kha a zui thui hle a. Hei hi Mosian Pathian leh a mite inkâra thuthlung awm chungchânga a thil sawi hnukung berin a tum tilang Chiangtu pawh a ni bawk. Thuthlung tih hi hmâsâng thil ni tho mah se—Hebrai ƣawnga “thuthlung” sawina, *berit* tih hi Nova chanchinah khân Pathianin mihringte thu a rawn thlunpui thu sawina atân hman a ni a, chu chu a hmanna hmasa ber a ni bawk (*Gen. 6:18; 9:13*)—Pathianin a mite thu a thlunpui thu sawina atâna hman a nihna hmasa ber chu Abraham a thu a thlunpui ƣum kha a ni a (*Gen. 15:18*).

Deuteronomi bu-ah hian “thuthlung” tih thumal hi vawi 27 langin bung 4 hi he thumal hman hmasak berna a ni bawk (*Gen. 4:13*). Pathian chu chatuan mi a nih avângin a thuthlung pawh hi “chatuan thuthlung” a ni a (*Gen. 17:7*). Chuvângin, tân kêr chhûnga “thuthlung” awmzia kan zir tûr pawh hian Pahtian leh a mite inkâra inlaichîn tawna a awm dân hre thiam thei tûrin min ƣanpui dân a ni.

**Zirlâi Thupuite:**

- *Nunna Pathian.* LALPA chuan Israel mite kha thu a thlunpui a, a thlunpui chhan erawh anmahni an that bîk vâng ni lovin, amah Pathian that vâng zâwk a ni a, Nunna Pathian a nih avânga thlunpui a ni.
- *Mi thlan bîkte.* Pathian chu an thlahtute laka rinawm a nih avângin Israel mite kha a thuthlung neitu hnam ni tûrin a thlang a ni.
- *Hnam thianghlim.* Nunna Pathianin thuthlung neitu ni tûra a thlante an nih avângin hnam thianghlim an ni ang.

**THEN 2-NA: ZIR ZÂUNA**

Israel mîte hnênah thlalêra an kal lâia thil thlengte kha a hrih hnuin Pathian vuan tlat a, “vawiina” amah nêna thu an thlunah hian rinawm taka awm reng tûrin a fuih zui a. Chumi atâna hnialfung a hman pahnihte chu hêngte hi a ni. Pakhatnaah, Israel mite kha “vawiina” Pathian nihna avâng hian a lakah an rinawm reng tûr a ni—ani chu Nunna Pathian a ni si a. Pahnihnaah, “vawiina” anmahni nihna avâng hian Pathian lakah an rinawm reng tûr a ni—a mi thlan bîkte an ni a; chuvâng chuan hnam thianghlim an ni.

**Nunna Pathian**

Pathian thuthlung hi Pathian nêna ințan a ni a. Ani chu a mite thu rawn thlunpuitu niin, a thlun chhan pawh an fel vâng emaw, an that vâng emaw a ni lova amah a fel leh that vâng zâwk a ni. Chuvâng thuthlung pawh hi Pathianin a mite a chhandamna tûra thil a tihah a innghat tlat a: “LALPA in Pathianin . . . thil a tih zawng zawng chu i mitin a hmu vek a” (*Deut. 3:21*) tih ang khân. Thuthlung hi khawngaihna thuthlung a ni a. Pathianin Israel-te kha thil tha eng emaw an tih avâng ni lovin—anni kha chu chhandam tlâk loh leh hel hmang an ni a—a khawngaihna avâng zâwkin a chhandam a ni. He țawngkam ngâi vêk hi bung

4-naah pawh hmang lehin (*Deut. 4:3*) Baal-peor zuitu zawng zawngte chung a thil a tih kha a rawn hriattîr nawn leh a (*Nam. 25:1-9*).

Hêng thil pahnihte ațanga zirlâi pawimawh tak kan zir chhuah theih awm chu, Pathian vawn tlat hi kan dam khaw chhuah theihna kawng awm chhun a ni tih hi a ni a, “nungdama in lua theihna tûrin” a zirtîrnate hi “ngâithla” ula, in fate pawh “zirtîr” chhâwng ve thîn ang che u (*Deut. 4:1*) tih ang khân. He dân hi Leviticus 18:5-ah chuan heti hian puan chhuah a ni a: “Chutichuan, ka dân leh ka rorêlte chu in zâwm tûr a ni; chu chu miin a tih chuan a nun phah ang; kei hi LALPA chu ka ni.” He dânin a sawi chu milem biakna hawisan tûra hrilh a ni a, chu vaulâwkna thu chu Deuteronomi 4-in a sawi ber pawh a ni bawk. Milem biakna hi Pathian lak ata Pathian mite hruai bo an nih theihna kawng hlauhawm êm êm a ni a, nunna an hloh pahna tûr pawh a ni.

He milem biakna hi keimahniah hian ințan niin Mosia chuan a sawi a: “chuvângin fîmkhur hle rawh u” (*Deut. 4:15*) tiin min hrilh. Hei vâng Pathian chhandamna thiltih ațanga chher chhuah thupêk pakhatna (*Deut. 5:6*) pawh hi Pathian pakhat chauh a awm thu sawina niin (*Deut. 5:7*), chu chu milem biak khapna dânin a zui ve leh nghâl bawk (*Deut. 5:8*). Sabbath serh tûra hrilhna thupêk pawh hi Pathian chhandamna thiltihin a dikzia a rawn nemngnet ve leh chiah bawk a (*Deut. 5:15*)—chu chu Pathian hmangaih tûra sâwmna thuin a rawn zui ve leh nghâl zat a ni (*Deut. 6:1-9*).

**Sawi Ho Tûr leh Ngaihtuah Zui Tûrte:** *Thufingte 3:1, 2* chhiar la. Eng vângin nge Pathian dân hi kan nunna atân a that? Eng tiang kawngtein nge Pathian dân hian thihna ata min chhandam? Deuteronomi 5:15-a kan hmuh Sabbath thupêk hian khawvêl siam a nih thu (*Exod. 20:11*) ni lovin, Israel-te chhandamna zâwk kha a kawh le?

## **Mi Thlan Bîkte**

Mosian Pathian thupêkte zâwm tûra a mite hmin a tumna dang leh hi chu anmahni Israel mite kha niin, Pathianin a thlan avânga Pathian thupêkte zâwm tûr an ni tih a hrihl a (*Deut. 7:6*). Hêng mite hi Pathian a thlan chhan chu hnam dangte âia an that bîk vâng ni lovin, an thlahtute hnêna chhia a lo chham tawh kha a zah avâng leh, anmahni a hmangaih êm vâng zâwk a ni (*Deut. 7:8*). Pathian chuan a mite hi a hmangaih êm avângin an lakah a thîkthu pawh a chhe rêng a, (*Deut. 4:24; 6:15*), Amah lo chu pathian dang rêng rêng an biak a phal lo.

“Thîkthuchhia” nia Pathian sawi hi mi thenkhat chuan mak an ti deuh maithei a; a chhan pawh “thîkthuchhia” tih tawngkam hi sual leh mihringte dik lohna nênzawm nia kan ngaih vâng a ni pakhat ang. Mahse, “thîkthuchhia” anga Pathian sawi hi a dikna lâi a tam ve tho va. Deuteronomi bu ziaktu hian Pathianin a mite a hmangaihzia sawi a tum a ni tih lo hria ila. Pathian chu “Pakhat” chauh, danglam bîk a nih angin amah pawhin a mite chu mi dangte âia danglam bîk niin a ngâi a; a chhan pawh a hmangaih êm vâng a ni.

**Sawi Ho Tûr leh Ngaihtuah Zui Tûrte:** Eng vângin nge Pathian tân hian khawvêl chhandamna thu hrihl darhtu atâna hnam pakhat, Israel chauh thlan bîk a tûl le? Eng vângin nge Pathianin hnam pakhat, Israel a hmangaih bîkna hi keimah min hmangaihna nênzawm hian a inkalh chuang loh? Pathian hian mi dangte âiin mi hmangaih bîk nia inhriat hi eng nge a hlauhawmna awm? Chutih rual chuan, eng nge a dikna chin awm tho bawk le?

## **Hnam Thianglim**

Kawng lehlamah chuan, a hmangaih avânga chhandam leh thlang a nih bawk a, anmahni Israel-te pawh hian amah an hmangaih avângin pathian dang zawng zawng âiin an thlang lêt ve ngei tûrah ngaih a ni a. Chutianga an thlang a nih chuan, a lakah rinawmin an nun dânah pawh danglam bîkna a awm ngei

tûr a ni bawk. “Hnam thlan” tih hian “hnam thianghlim” tih nênzawmna a nei a (*Deut. 7:6*). Hebrai ƣawnga “thianghlim” tih an sawina thumal, *qadosh* tih hi a awmze bul takah chuan “serh hrang” tihna niin Pathian chu Pathian danglam bîk a nih anga anni pawh danglam ve tûra kohna a ni: “In thianghlim tûr a ni; kei ka thianghlim si a” (*Lev. 11:44, 45*) tih ang khân.

“Thianghlim” tûr tih avâng hian Pathian anga sawisêl bova awm ve tûr tihna emaw, “mi thianghlim” nih tûr tihna emaw a ni chuang lo. *Qadosh*, “thianghlim” tûra Pathianin a mi Israel-te a sâwm hian, a awmzia chu amah nêna inlaichînna ƣha bîk (*Exod. 19:6*) an neih theih nân hnam dangte lakah a hranga awm a, mi danglam bîk ni tûrin a hrih tihna a ni tih lo hria ila. Hebrai ƣawnga hming zawmtu, Pathian hming bula an dah ƣhin ‘*le*’ tih hian (*leYHWH*) Pathian tâ bîk liau liau a nihzia a sawi a. Chuvângin, “thianghlim” tûr tih awmzia chu Pathian nêna inzawmna bîk nei tûra intihrang tihna a ni: “LALPA [*leYHWH*] in Pathian tân hnam thianghlim in ni si a” (*Deut. 7:6*).

Chutianga intihrang tûr an nihna chhan pawh chu LALPA an Pathianin ama pual bîk ni tûra a thlante an nih vâng a ni (*Deut. 7:7*). Chuvângin, mi “thianghlim” nih chu thuthlunga thil pawimawh ber pakhat a ni a. Mahse, chu chu nihna danglam ngâi lo ni lovin, danglam châng nei leh eng tik lâi pawha awm reng, nung reng a ni thung a. A awmzia chu, “thianghlim” nih hi kan nu leh pate emaw, rinna lama kan mi hmasate emaw hnên aƣanga kan chhawm chhoh zêl a ni lo tihna a ni. Heti hian Mosia chuan a lo sawi a: “LALPA chuan he thu hi kan pi leh pute hnênah khân a lo thlung lo va, keiniho, tân thlenga mi nungdama la awm zawng zawngte hnênah ngei hian a ni a thlun zâwk ni” (*Deut. 5:3*) tiin.

“Thianghlim” nih hi keini vawiina mite lakah Pathianin a phût a ni a. He tân lâi hun atâna thu dik hi Deuteronomi bu-ah hian vawi tam tak sawi nawn niin, a chhan pawh “vawiinah hian . . . ama pual bîk” ni tûra koh kan nih vâng a ni (*Deut. 26:18*). Heti hian Chiang lehzualin a sawi leh bawk a: “He chhechham leh

thuthlung thu hi in hnênah chauh ka thlung a ni lo va, vawiina LALPA kan Pathian hmâa dingte leh tûna kan hnêna awm ve lote hnênah pawh hian a ni” (*Deut. 29:14, 15*) tiin. Chang dangah pawh he thuthlung hi “kan thlahte tâ kumkhua tûr” a nih thu a sawi bawk a (*Deut. 29:29*). A chhan pawh he thuthlung hi “tûnlâi hun atâna thu dik” a nih vâng niin, kan “hriat reng” leh kan zirtîr chhunzawm zêl a ùl hle mai (*Deut. 6:7; 8:2, 18; 9:7*).

**Sawi Ho Tûr leh Ngaihtuah Zui Tûrte:** Engtin nge—sual saa piang chu ni tho mah ila, kan lo thianghlim theih ang? Engtin nge Bible-in min phût anga “thianghlim” nihna—chumi awmzia chu khawvêl laka danglam leh hrang tihna a ni—tûn lâi khawvêl nêna kan inhnêk tawn dân tûrah zirlâi min zirtîr le?

### THEN 3-NA: NUNA BEL TÛR

Juda mi fing Abraham Heskell-a chuan Bible-in “Nun hi eng nge” tih zawhna a chhân dân sawi fiahin, “mihring nihna leh thianghlimna thurûk” a nih thu a sawi a.—Abraham Joshua Heschel, *I Asked for Wonder* (New York: Crossroad, 1983), p. 80. Bible-a kan hmuh “mihring” ni bawk—chumi awmzia chu an hun lâi khawvêl nêna inkhawih tawn tihna a ni—“mi thianghlim” ni bawkte hi lo en ila. Hêng mi thianghlimte nihna thenkhat chu eng nge ni? Eng thilin nge mihringah siam a, eng thilin nge mi thianghlimah chhuah bawk? Engtin nge keini hian “mihring nih leh mi thianghlim nih” kawp dân hi a hnuaia kan târ lan boruak hrang hrang hnuaiah hian kan lo thiam ve theih ang?

- I ðian tu emawin a ina chaw eiah a sâwm che a. Chu i ðianpa/ ðiannu, Adventist ni ve lo chuan vawksa a lo siam a. Engtin nge “mihring” ni chung siin—chumi awmzia chu, a thilphalna leh duhsakna che chu zahsak tihna a ni—mi thianghlim—chumi awmzia chu Pathianin sa thiang lo a tihte ei loh tihna a ni—i nih bawk theih ang?

- Biak inah i inkhâwm a, i hnung chiaha ʔhû tleirâwl rualte chu an ʔawng reng mai a, a châng leh an nui bawk a. Engtin nge anmahni nêna inlaichînna ʔha tak in neih zuih zêl theih thona tûrin biak in zah dân i zirtîr theih ang?
- Engtin nge ring lo mite hnênah Chiang leh ngaih Nawm tak, hriat ʔûl tak nia an ngaih theih tûr zâwngin hrilh lâwkna thu hi i hrilh fiah ang?
- Kohran member ngaih dân inpersan takte awmnaah hruaitu i ni a. Pâwl pakhat chuan khawtlânga rorêlna dik a thlen theih nâna hna thawh te, inhmangaih tawn tih te leh khawngaihna thu te an tuipei êm êm a, chutih lâiin pâwl pakhat dang chuan rorêlna leh dân an sawi uar êm êm ve thung a. Engtin nge an inrem taka rawngbâwl tlâng thei tûrin i kaihhruai ang?